

ქედის მუნიციპალიტეტის საკრებულოს  
საფინანსო-საბიუჯეტო კომისიის სხდომის  
ოქმი N3

დაბა ქედა

26 მარტი, 2024 წელი

სხდომა დაიწყო 10:30 სთ-ზე  
სხდომა დამთავრდა 11:00 სთ-ზე

სხდომას თავმჯდომარეობდა ამირან წულუკიძე - ქედის მუნიციპალიტეტის საკრებულოს საფინანსო საბიუჯეტო კომისიის თავმჯდომარე.

სხდომას ესწრებოდნენ:

ამირან ცინცაძე - კომისიის წევრი;  
რეზო თურმანიძე - კომისიის წევრი  
ლევან ბერიძე - კომისიის წევრი  
ოთარი ხარაძე - კომისიის წევრი;

სხდომას არ ესწრებოდა კომისიის წევრები:

რომან დავითაძე - კომისიის წევრი  
დავით სირაბიძე - კომისიის წევრი  
ირაკლი მახარაძე - კომისიის წევრი;






სხდომას ასევე ესწრებოდნენ:

საკრებულოს აპარატის უფროსი - მუხრან სალაძე;

საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში - ციური ზაქარაძე;

ქედის მუნიციპალიტეტის საკრებულოს საფინანსო-საბიუჯეტო კომისიის წევრთა  
სარეგისტრაციო ფურცელი

26.03.2024 წელი

№	სახელი, გვარი	თანამდებობა	ხელმოწერა
1	ამირან წულუკიძე	კომისიის თავმჯდომარე	
2	რეზო თურმანიძე	კომისიის წევრი	
3	ამირან ცინცაძე	კომისიის წევრი	
4	რომან დავითაძე	კომისიის წევრი	
5	ლევან ბერიძე	კომისიის წევრი	
6	ოთარ ხარაძე	კომისიის წევრი	
7	ირაკლი მახარაძე	კომისიის წევრი	
8	დავით სირაბიძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით:

**დღის წესრიგი:**

1. ქედის მუნიციპალიტეტის მერიის საფინანსო სამსახურის 2023 წლის ანგარიში.

მომხსენებელი: საფინანსო-საბიუჯეტო  
სამსახურის უფროსი ჯემალ ტაკიძე

2. 2023 წლის შესყიდვების გეგმის შესაბამისად განხორციელებული შესყიდვების შესახებ ანგარიში.

მომხსენებელი: ეკონომიკური განვითარების სამსახურის  
შესყიდვების განყოფილების უფროსი  
გივი დევაძე

3. ქედის მუნიციპალიტეტის საკრებულოს საფინანსო-საბიუჯეტო საკითხთა კომისიის 2024 წლის მეორე კვარტლის სამუშაო გეგმის დამტკიცების შესახებ.

მომხსენებელი: საკრებულოს საფინანსო-საბიუჯეტო  
კომისიის თავმჯდომარე: ამირან წულუკიძე.

1. მოისმინეს: სხდომის თავმჯდომარემ განმარტა, რომ ქედის მუნიციპალიტეტის საკრებულოში შემოვიდა (განცხადების ნომერი N:12-95240611-95; განცხადების თარიღი 01.03.2024) „ქედის მუნიციპალიტეტის ადგილობრივი ბიუჯეტის 2023 წლის შესრულების ანგარიში“.

კომისიის თავმჯდომარემ კომისიის წევრებს წარუდგინა ქედის მუნიციპალიტეტის ადგილობრივი ბიუჯეტის 2023 წლის შესრულების ანგარიში და ისაუბრა წლის განმავლობაში თითოეული ხარჯვითი ნაწილის შესახებ.

ქედის მუნიციპალიტეტის მერიის საფინანსო-საბიუჯეტო სამსახურის უფროსმა - ჯემალ ტაკიძემ გააკეთა განმარტებები და ადგილობრივი ბიუჯეტის 2023 წლის შესრულების ანგარიში წარადგინა შემდეგი სახით (განცხადების ნომერი N:12-95240611-95; განცხადების თარიღი 01.03.2024).

კომისიის წევრებს წარმოდგენილი საკითხის მიმართ შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5.

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს „ქედის მუნიციპალიტეტის მერიის საფინანსო-საბიუჯეტო სამსახურის 2023 წლის ანგარიში“-ს საკრებულოს სხდომაზე განხილვა.



2. მოისმინეს: სხდომის თავჯდომარემ განმარტა, რომ ქედის მუნიციპალიტეტის საკრებულოში შემოვიდა (განცხადების ნომერი N:12-95240653-95; განცხადების თარიღი 05.03.2024) „2023 წლის შესყიდვების გეგმის შესაბამისად განხორციელებული შესყიდვების შესახებ ანგარიში“.

კომისიის თავჯდომარემ კომისიის წევრებს წარუდგინა 2023 წლის შესყიდვების გეგმის შესაბამისად განხორციელებული შესყიდვების შესახებ ანგარიში და ისაუბრა წარმოდგენილი ანგარიშის შესახებ.

ქედის მუნიციპალიტეტის მიერ 2023 წლის სახელმწიფო შესყიდვები განხორციელებული იქნა, რეგისტრირებული შესყიდვების გეგმის შესაბამისად. შესყიდვების გეგმაში ცვლილებების შეტანა ხდებოდა პერიოდულად ადგილობრივ ბიუჯეტში შესული ცვლილებების შესაბამისად, რის შედეგადაც ქედის მუნიციპალიტეტის 2023 წლის სახელმწიფო შესყიდვების გეგმამ საბოლოოდ შეადგინა 10782173 ლარი.

სახელმწიფო შესყიდვების განხორციელებისას განსაკუთრებული ყურადღება გამახვილებული იყო ისეთ მნიშვნელოვან საკითხებზე, როგორცაა შესყიდვების წლიური და ინდივიდუალური დაგეგმვა, დაგეგმვის პროცესში პასუხისმგებლობების სწორი გადანაწილება, მიწოდების ბაზრის კვლევა, საკვალიფიკაციო და ტექნიკური მოთხოვნების პროპორციულად განსაზღვრა და სპეციფიკაციების შემუშავება აღნიშნული ტექნიკური პირობების მომზადებაში ჩართული იყო მუნიციპალიტეტის მერიის ყველა სამსახური თავიანთი დარგობრივი ფუნქციების შესაბამისად.

2023 წლის განმავლობაში ბიუჯეტით გამოყოფილი ფინანსების შესაბამისად სახელმწიფო შესყიდვების განსახორციელებლად გაფორმებული იქნა სულ 229 ხელშეკრულება. სახელშეკრულებო ღირებულებამ შეადგინა 10728624 ლარი. აქედან ელექტრონული ტენდერებით გაფორმებული ხელშეკრულებების ღირებულებამ შეადგინა 8740946 ლარი, კონსოლიდირებული ტენდერით 1417375 ლარი, გამარტივებული შესყიდვით 570303 ლარი საიდანაც სააგენტოდან მიღებული ნებართვით გაფორმდა 383283 ლარის ხელშეკრულება ხოლო მონეტარული ზღვრების დაცვით გახარჯული იქნა 187020 ლარი.

შესყიდვების სააგენტოს თანხმობით „გაფორმებული ხელშეკრულებების ღირებულების რაოდენობა სამართლებრივი საფუძვლების მიხედვით ასე გადანაწილდა, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით გამარტივებული შესყიდვით განხორციელებული იქნა 2 ღონისძიება ღირებულებით- 237600 ლარი; ექსკლუზიური უფლებამოსილებით 3 ღონისძიება, ღირებულებით 115108 ლარი და გადაუდებელი აუცილებლობით 1 ღონისძიება 30575 ლარი.

2022 წელს სახელმწიფო შესყიდვების ერთიან ელექტრონულ სისტემაში საბოლოო სტატუსი მიენიჭა 129 ტენდერს რომელთაგანაც ხელშეკრულება დაიდო 93 ტენდერზე. არ შედგა-21, შეწყვეტილი იქნა-5 და უარყოფითი შედეგით დასრულდა 10 ტენდერი. აღნიშნული ტენდერებით გათვალისწინებული შესყიდვების განსახორციელებლად განმეორებით იქნა გამოცხადებული ტენდერები, და შესაბამისად შესყიდვის გეგმით გათვალისწინებული ყველა შესყიდვა სრულყოფილად იქნა განხორციელებული.

გამოცხადებული ელექტრონული ტენდერების საერთო სავარაუდო ღირებულებამ შეადგინა 9416092 ლარი, ხოლო ვაჭრობის შედეგად დაფიქსირებულმა საბოლოო ფასმა 8871163 ლარი შეადგინა შესაბამისად, 2023 წლის შესყიდვების



გეგმის ფარგლებში განხორციელებული ტენდერების საშუალებით ეკონომია გაკეთდა და დაზოგილ იქნა 544929 ლარი.

ჩატარებული ელექტრონული ტენდერების ძირითადი ნაწილი 7335044 ლარი მოდის ინფრასტრუქტურული პროექტების განხორციელებაზე, როგორცაა: მეწყერსაწინააღმდეგო ღონისძიებები, მოსახლეობის სასმელი წყლის წყალმომარაგებით უზრუნველყოფა, დაბის და ტერიტორიული ერთეულების ცენტრების კეთილმოწყობა, პარკებისა და სკვერების, გარე განათების მოწყობა, ტურისტული ინფრასტრუქტურის განვითარება, შიდა-საუბნო სასოფლო გზების მოწყობა, მინი სპორტული მოედნების მშენებლობა და სხვა ღონისძიებები.

ჯანმრთელობისა და სოციალური დაცვის მიმართულებით შესყიდვები განხორციელდა: სოციალურად დაუცველი ფენისათვის ყოველდღიური ერთჯერადი უფასო კვებით უზრუნველყოფად, „სოფლის მოსახლეობის ექიმამდელი სამედიცინო დახმარების“ და ფსიქიკური აშლილობის მქონე პირების „თემზე დაფუძნებული მობილური გუნდის მომსახურების პროგრამით გაიხარჯა სულ 237600 ლარი, შეჭირვებული მოსახლეობისათვის საცხოვრებელ სახლებზე ამორტიზირებული სახურავების შეცვლის მიზნით შესყიდული იქნა 100000 ლარის ღირებულების სახურავის თუნუქი და სხვა.

ხელშეკრულებებით გათვალისწინებული ვალდებულებების შესრულების კონტროლის და მონიტორინგის მიზნით, ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე გამოყოფილი არიან პასუხისმგებელ პირები თავიანთი დარგობრივი ფუნქციების შესაბამისად, ხოლო სამშენებლო სამუშაოებზე შესყიდვის ობიექტის მიღება-ჩაბარებას და კონტროლს ახორციელებს ქედის მუნიციპალიტეტის მერის ბრძანებით შექმნილი კომისია. საანგარიშო პერიოდში სახელშეკრულებო ვალდებულებების არაჯეროვნად შესრულების გამო, დაბა ქედაში ხანდაზმულთათვის განკუთვნილი სივრცის მშენებლობაზე გაფორმებული ხელშეკრულება შეუწყდა შპს „მშენებელთა ჯგუფი“-ს. მის მიმართ გავრცელდა კანონმდებლობით გათვალისწინებული სანქციები და შავ სიაში რეგისტრაციის მიზნით დოკუმენტაცია გადაიგზავნა შესყიდვების სააგენტოში.

განსაკუთრებული ყურადღება ექცეოდა სახელმწიფო შესყიდვებთან დაკავშირებულ ანგარიშგების საკითხებს. სახელმწიფო შესყიდვების სააგენტოს თავჯდომარის 2011 წლის 10 თებერვლის #2 ბრძანების „შემსყიდველი ორგანიზაციის ანგარიშგების წესის დამტკიცების შესახებ“ შესაბამისად ხდებოდა შესყიდვებთან დაკავშირებული ანგარიშგების მომზადება და ერთიანი ელექტრონული სისტემაში ატვირთვა.

კომისიის წევრებს წარმოდგენილი საკითხის მიმართ შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5.

წინააღმდეგი: 0

კომისიამ გადაწყვიტა:



მიზანშეწონილად ჩაითვალოს „2023 წლის შესყიდვების გეგმის შესაბამისად განხორციელებული შესყიდვების შესახებ ანგარიში“-ს საკრებულოს სხდომაზე განხილვა.

3. მოსმინეს: სხდომის თავმჯდომარემ კომისიის წევრებს გააცნო ქედის მუნიციპალიტეტის საკრებულოს საფინანსო-საბიუჯეტო კომისიის 2024 წლის მეორე კვარტლის სამუშაო გეგმა შემდეგი სახით:

	განსახილველი საკითხები და გასატარებელი ღონისძიებები	განხილვის თარიღი	საკითხის განხილვა კომისიის სხდომაზე	საკითხის განხილვა საკრებულოს სხდომაზე	პასუხისმგებელი პირი საკითხის მომზადებაზე
1	ქედის მუნიციპალიტეტის მერიის ეკონომიკური განვითარების სამსახურის 2023 წლის ანგარიშის მოსმენა - განხილვა.	აპრილი	კომისიის სხდომაზე	საკრებულოს სხდომაზე	ეკონომიკური განვითარების სამსახურის უფროსი - სულიკო ბოლქვაძე
	ქედის მუნიციპალიტეტის მერიის საფინანსო-საბიუჯეტო სამსახურის 2024 წლის პირველი კვარტალის ანგარიშის მოსმენა - განხილვა.	მაისი	კომისიის სხდომაზე	საკრებულოს სხდომაზე	საფინანსო - საბიუჯეტო სამსახურის უფროსი ჯემალ ტაკიძე
3	კომისიის მუშაობის შესახებ ანგარიშის მოსმენა.	ივნისი	კომისიის სხდომაზე	საკრებულოს ბიუროს სხდომაზე	კომისიის თავმჯდომარე

კომისიის წევრებს წარმოდგენილი საკითხის მიმართ შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:  
 მომხრე: 5.  
 წინააღმდეგი: 0.

კომისიამ გადაწყვიტა:  
 დამტკიცდეს ქედის მუნიციპალიტეტის საკრებულოს საფინანსო-საბიუჯეტო კომისიის 2024 წლის მეორე კვარტლის სამუშაო გეგმა წარმოდგენილი სახით.

კომისიის თავმჯდომარემ სხდომა 11:30 სთ-ზე დახურულად გამოაცხადა.

კომისიის თავმჯდომარე



ბირან წულუკიძე

ოქმი შეადგინა:  
 საკრებულოს აპარატის პირველი  
 კატეგორიის უფროსი სპეციალისტი  
 კომისიებთან ურთიერთობის საკითხებში

ციური ზაქარაძე